




Broj: 03/7-02-1-2232/24

Sarajevo, 14. 11. 2024.

Parlamentarna skupština BiH
Kolegiju Predstavničkog doma
Ustavnoj pravnoj komisiji Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20, 53/22, 59/23, 87/23 i 50/24) i čl. 1. i 2. Jedinstvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine BiH daje sljedeće

Mišljenje

o Prijedlogu zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 13. 11. 2024. dopis predsjedavajućeg Predstavničkog doma Parlamentarne skupštine BiH, broj: 01-02-1-2232/24, od 12. 11. 2024, kojim se, u skladu s članom 106. stav (1) Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog zakona o izmjeni i dopuni Zakona o osnovama sigurnosti saobraćaja na putevima u Bosni i Hercegovini, čija je predlagateljica Mia Karamehić-Abazović, poslanica u Predstavničkom domu Parlamentarne skupštine BiH (u daljnjem tekstu: Prijedlog zakona) radi mišljenja o usklađenosti s članom 105. Poslovnika i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

II. Zakonodavno-pravni sektor je cijenio usklađenost Prijedloga zakona s članom 105. Poslovnika, te je konstatirano da je Prijedlog zakona dostavljen u pisanoj i elektronskoj formi na bosanskom jeziku, u skladu sa stavom (1) ovog člana Poslovnika.

Također, u skladu s članom 105. stav (3) Poslovnika konstatira se da je uz Prijedlog zakona dostavljeno obrazloženje koje sadrži elemente propisane članom 105. stav (3) tač. a), b), c) i d) Poslovnika.

U skladu s članom 105. stav (3) tačka e) i stav (4) Poslovnika, kada je poslanik predlagatelj zakona, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.


Uz Prijedlog zakona priložene su odredbe članova koje se mijenjaju, te verzija prečišćenog teksta zakona kako je to propisano članom 105. stav (5) Poslovnika.

Uvidom u tekst Prijedloga zakona utvrđeno je da se u članu 1. prilikom navođenja brojeva "Službenog glasnika BiH" u kojima su objavljene prethodne izmjene i dopune Zakona o osnovama sigurnosti saobraćaja na putevima u BiH, dva puta navodi broj 48/10. U skladu s navedenim u članu 1. Prijedloga zakona, potrebno je broj "Službenog glasnika BiH", 48/10 jednom brisati, ili postupiti u skladu s članom 144. Poslovnika (Ispravke).

III. U pogledu usklađenosti s Jedinim pravilima, utvrđeno je da je Prijedlog zakona izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa, kako je to i propisano Jedinim pravilima.

Također, uvidom u tekst važećeg Zakona utvrđeno je da se sastoji od osnovnog teksta i 12 izmjena i/ili dopuna, što je razlog zbog kojeg ukazujemo na član 46. Jedinim pravila (Svrha i obim izmjena i dopuna), te član 54a. (Novelacija teksta propisa), na što upućuje i član 67. (Revizija postojećih propisa) Jedinim pravila.

Rukovodilac
Zakonodavno-pravnog sektora


Bojan Šehovac

Dostaviti:

- naslovu
- a/a